

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. II. Quæ sint Prouidentiæ diuinæ functiones.

[urn:nbn:de:hbz:466:1-46817](#)

æterna, non disponuntur in finem. Respondeo, Non est necesse ut omnis actus prouidentiae positius, vel etiam negatiuus, qualis est permissio, dirigat naturam rationalem vel irrationalem ad suum finem consequendum. Neq; enim in eum sensum accipienda est illa descriptio prouidentiae: sed sufficit ut Deus nihil faciat vel permitat circa res creatas, nisi ob certum finem, quem ipse sibi propositum habet. Non enim ratio prouidentiae postulat, ut omnis actio prouisoris dirigat res subiectas ad consequendum proprium illarum finem: sed satis est ut tendat ad finem, quem prouisor sibi statuit. Sic punitio peccatorū fit ad ostendendam diuinam iustitiam, permisso verò, ut opera virtutis sint libera, & excusat in nobis solicitude bene operandi, & q̄b alios optimos fines, ut docet Damascenus lib.2.cap.29.

C A P V T II.

Quæ sint Prudentia diuina functiones.

VT melius intelligatur quid & qualis sit diuina Prudentia, considerandæ sunt eius functiones, & generales operationes circa res creatas. Hæ generatim sunt duæ, *creatio & gubernatio*. Dua functiones prouidentiae. Quod *creatio* sit opus diuinæ prouidentiae, patet Primo, Quia mundus non est casu factus, sed certissimo consilio, & specialissimo decreto: atqui nihil est quod potius sit dicendum opus prouidentie, quam quod absolute & peculiari decreto ad omnes rei circumstantias pertingente præfinitum est. Deinde, Quia res omnes secundum suam essentia conditæ sunt propter finem, tum proprium cuique, qui est cuiusque operatio, tum communem omnium, qui est gloria Dei. itaque in sua essentia habent ordinem & habitudinem ad finem, qui ordo est impressio diuinæ prouidentiae. Tertio, Quia per creationem acceperunt vires, qualitates, temperamentum, locum, ordinem & figurā, prout cuique congruebat ad suum statum, functionem, finemque proprium. atqui hoc nihil est aliud quam conuenienter ordinari & instrui ad suum finem: ergo est opus prouidentiae. Denique, omnis operatio tendens ad aliquem finem, est opus prouidentiae: atqui *creatio* est operatio tendens ad finem; est enim operatio primi & supremi operantis, qui omnia propter ultimum finem, qui est ipse operans eiusque gloria, operatur. Itaque quod iste mundus, ipsis corporibus constans, ea magnitudine,

1. Creatio est opus prouidentiae.

tudine, multitudine, situ, qualitate, viribus, figuris, tempore, loco, ordine, sympathia, antipathia præditis, non alius, nec ex aliis aut aliter factus sit, est opus diuinæ prouidentiæ, omnia certo consilio facientis, & ad certos fines ordinantis.

2. Gubernatio.

Qui sunt actus gubernationis. Quod etiam gubernatio sit opus prouidentiæ, per se notum est; sed multi actus hoc nomine continetur: nimurum conseruatio, cooperatio, prædefinitio, permisio, impeditio multorum malorum, motio celorum, illuminatio naturæ rationalis, redemptio hominum, iustificatio, remuneratio, punitio. de quibus singulis aliquid dicendum est.

C A P V T III.

De Conseruatione & Cooperatione.

Conseruatio est primus actus ad gubernationem pertinentis. In gubernatione primum locum tenet conseruatio rerum, quam 6 etiam SS. Patres passim gubernationem vocant; ut constat ex testimonio supra Libro x. n. 21. & seq. allatis, & ex D. Augustino l. 4. De Genes. ad literam c. 12. Nam primum munus gubernatoris est, conseruare ea quæ gubernanda suscepit, ne pereant. Sic enim planè ab ordine & directione qua in finem diriguntur, exciderent.

2. est cooperatio seu concursus. Secundum locum tenet cooperatio: nam sine diuina cooperatio-
ne nulla res creata potest operari, ac proinde nec assequi finem, aut in illum tendere; sed instar inanis idoli, sensu, motu, & omnibus viribus defecti, stabi. Si Deus concursum suum subduceret rebus, cessaret motus celorum, & illuminatio orbis; cessaret elementorum & omnium contrariorum pugna; cessarent ortus & interitus rerum, vicissitudines temporum, incrementa & decrementa viuentium, omnis alternatio, & motus localis omnis. Cessaret in beatis visio beatifica, amor & gaudium omne; in damnatis omnis dolor & tristitia, in omnibus viuentibus omnis intelligentia, omnis memoria, omnis volitio, omnis affectio, omnis passio, omnis imaginatio, omnis sensus, & motus vitalis omnis: neque ullum esset inter animata & inanima, inter sentientia & sensus expertia, inter rationalia & irrationalia, inter beatos & damnatos discrimen, quod ad sensum boni vel mali, commodi vel incommodi attinet; sed omnia eodem modo se haberent, tamquam ratione, sensu, motu, vita, & vigore omni destituta. Hinc patet quanti momenti sit hic concursus, cum inde pendeat tota beatitudo, & omne bonum naturale & supernaturale, & sine ipso simus perinde ac si non simus.

Et